



Aasiaat 26. juni 2019

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqqutit:

- 1. Aningaasanut Inatsimmi, konto pingaarnermi 20.11.51-imi, misissueqqissaarnissamut pilersaarusiornissamullu aningaasaliissutit qanorpiaq atorneqarnissaat pillugu Naalakkersuisut ilisimatitsisinnaappat?**
- 2. Misissueqqissaarnissaq pineqartoq (ilaatigut) UKA2016/47-p piviusungortinneqarneratut isigineqassava?**
- 3. Misissueqqissaarnissaq pineqartoq kia suliarissavaa, assersuutigalugu suleqatigiissitanik pilersitsisoqarsimava?**
- 4. Qanoq annertutigisumik, qanorlu aaqqissuusseqqinnermi kommunit sunnerneqassapat?**
- 5. Pisortat namminersortullu suleqatigiinnerat tamatumani ilaatinneqarpa, aamma naammassineqartartut annertusaaffigineqarnerat inuussutissarsiornermut iluaqutissat, misissueqqissaarnermi ilanngunneqassapat?**
- 6. Misissueqqissaarnermi manna tikillugu aaqqissuusseqqinissamik pisariaqartitsinerit suut paasineqarpat – tamakkulu qanoq annertutigisumik ileqqaarutaasinnaanerat ilimagineqarpa?**
- 7. Ukiuni missigersuusiorfiusuni ileqqaarutissatut ukiumut 30-40 mio.kr.-it naatsorsuutigineqartut, aaqqissuusseqqinnikkut anguneqarsinnaaneri Naalakkersuisunit piviusorsortutut isigineqarpat? Taamaangippallu; Naalakkersuisut maannakkut qanoq annertutigisumik ileqqaartoqarsinnaanera ilimagaat?**
- 8. Misissueqqissaarnissamut pineqartumut tunngasunik allanik Naalakkersuisut paasisutissiisinnaappat?**

(Inatsisartuni ilaasortat Peter Olsen, Inuit Ataqatigiit)

Tunngavilersuut:

2016-imi ukiakkut ataatsimiinnermi Naalakkersuisut UKA2016/47-mut allannguutissatut siunner-suuteqarpat akuerineqartumik. Allannguutissatut siunnersuut imatut oqaasertaqarpoq:

“Immikkoortoqarfiit susassaqrifiillu akimorlugit suleqatigiinnerit pitsanngorsarsinnaajumallugit Naalakkersuisut Aaqqissuusseqqinnissat suliaasanillu nuutsinissat pisariaqartut piareersarsinnaajumallugit kommuninik suleqateqarnerminni suleriaatsinik pitsaanerusunik sunniuteqarnerusunillu pilersitsinissamik peqquneqassapput, allanngortitsinernik aamma suliaasanik nuutsitsinernik attuumassuteqarsinnaasunik piareersaaqquneqassapput. Taamatut suliniuteqarnermi allaffissor-nikkut periutsit nalinginnaasut qulakkeerlugit atorneqarnissaat isiginiarneqassapput.”

Aningaasanut Inatsit atuaraanni (konto pingaarneq 20.11.51) takuneqarsinnaavoq, pisortat ingerlatsineranni naammassineqartartut annertusaaffiginerisigut, 2020-miit ukiumut ileqqaarutissat 30-40 mio.kr.-nit naatsorsuutigineqartut. Ileqqaarutissat ingerlatseriaatsimik misissueqqissaarnikkut pilersaarusiornikkullu paasineqartut tunngavigalugit aqqissuusseqqinnikkut anguneqarnissaat ilimagineqarpasippoq.

Apeqqutit ullut suliffiusut qulit ingerlaneranni akeqquneqarput.